

精鈔  
大字

隨

園

全

集



碧梧  
館詞選  
山

上海文明  
書局藏版



碧梧山館詞序

余嘗評吾友汪紫珊太守之詞曰：思態逸妍，音律中雅，語出於性情，旨歸於忠厚。船山以為知言。茲於所刊七家詞中，又獲觀其與婦弟袁蘭邨贈答倡酬之作。蓋蘭邨以名父之子，曠代之才，評量風月，睥睨壇坫，弟眎灌夫，兒呼德祖，傑作之懸，一字不易，久要之踐，千金屢散。雖復輦下名震，國士之知，戶外車滿，盡長者之轍，而蘿屋倚貴珠之補，葛屐鮮賜祀之戀，峻嶒傲骨，乃甘鶴雁跌宕仙心，但誇蟬化，其不凡可貴已。既且不卑小官，肯習吏事，未及中年，勝氣已斂，即涉歧路，初服不渝，聽鼓應官，無妨於清才。入幕司筆，那掩其豪態，是以二十年中，翟公之賓，或有感哀孝標之論，遂分寒暑，遭時白眼，知我貴希，結契青雲，有人可久，蓋惟蘭邨之吟情未減於初，亦惟紫珊之友誼不滿夫古也。且夫桐魚石鼓，千里相求，鏤鄒干將，兩美必合，況乎君子之交，申以姻婭，文章之道，貫於金石者乎？紫珊之於袁氏，冰玉之映，列在甥館，騷雅之授，兼以師門，感晏殊之知，人幸東坡之有子，羊曇扣扉，未忘謝安，阮瞻鼓琴，專對潘岳，如橘合柚，儼柏悅松，於是本風人之旨，為諍友之言，名節砥礪，誓以歲寒，功業期許，憂其時邁，故能芊絲妙緒，橫生於斂袂之餘，慷慨送情，疊發於推襟之暇，史家所稱，扶存以忠，誨勸慕以前，良者，靈踰此哉！吾前所以許紫珊之詞者，正在此。今海內工詩，餘者家穀人師，楊蒼寰、汪劍潭、郭頻伽、四君與袁氏皆敦羣紀之交，並具成牙之賞，請以質諸，或謂余之不失聽也。

嘉慶十年青龍己巳招搖指亥全椒吳鼎題

題詞

紫冊見示所著碧梧山館詞卷讀竟題二絕句於後

仁和錢 林東生

度曲簫聲死轉遲。長安纔到有人知。麥光新紙宣毫筆。鈔遍周郎片玉詞。

綠陰如水漾簾波。

閒寫窗間墨一螺。眯眼紅塵如海處。讓君清思十分多。

奉讀碧梧山館詞輒爾繼聲

錢塘 陳嵩慶 荔峯

花底脩簫譜記綢繆珍珠小字。蠶眠無數鏡約釵盟都莫問。中句集潭水深情誰訴。知吟徧江南春

雨。天暎玉笙吹倚拍。早有人羅帕相傳語。添多少斷腸句。東風又種雙紅否。算年來秋絃春

舫。闌干何處。天與詞家兼艷福。彩筆合勻微露。又殘月曉風重賦。近喜井泉新樂府。把烏絲圖畫

頻收取。旗亭酒尚堪賭。右調金縷曲

奉題碧梧山館詞即以代柬

海寧 楊文孫 芸士

一夜江南雨快傳來。蠶眠細字蟬聯新句。真箇情深潭水。似賦到銷魂如詭。差不負微雲女壻。

君為隨園先生館甥艷絕天教兼福慧。儘紅盟綠誓從頭數。牽宛轉相思緒。相逢恁煞息息去。客冬別君

問經年春風無恙。燕鶯傳侶翠袖銀簧。爭唱遍想在碧梧深處。且莫向闌干凝佇。亟寫朋牋挑燈

讀好么絃。禹指翻新譜。并華水。君取。右調金縷曲

...

...

...

...

...

...

...

...

...

碧梧山館詞卷一

六合汪世泰紫珊

風蝶令

家兄琳圃

世球

招飲宜臺即事題壁

簷漱容雲宿。人孤情鶴陪。小牕如對畫圖開。一帶江南山影送青來。誰響花間蝶。初香竹裏  
酷閒吹玉笛。上層臺。喚起一眉新月照銜盃。

齊天樂

題袁蘭邨參軍通秋夢樓圖

山屏綠颭梧桐影。樓高夢沈秋雨。空榻宵支。湘簾晚捲。寒了鑪香半綫。珠牕開處。驚蒼角樓雲。一  
痕飛去。應問青山為誰。消瘦也如許。墜歡猶記。當日有靈檀几。小曾此同撫。倚笛呼猿。停筆灑  
酒。雙鬢夜深。儂汝。年事。怎偏畫取者。蕭瑟林亭。淒涼情緒。不待黃昏。砌蟲寒自語。

菩薩蠻

別來衣帶寬金絡。人前却道因春瘦。香霧背簾攏。落花堆一重。花魂招不得。飛散驚胡蝶。生怕  
繞回廊。柳絲牽夢長。

又

疎桐漏月羅雲薄。秋陰疊在闌干角。涼逼藕絲裳。芙蓉葉上霜。雁聲微墮地。天遠書難寄。獨自拜雙星。鑪香一縷青。

探芳信

薄遊白門。哀蘭邨。招同胡心農副使。稽吳蘭園大令。自求集秦淮水榭。觸事有感。因用山中

白雲詞韻。倚此付小伶月上。以短簫譜之一拍。未終滿湖。俱有秋意也。

消長晝。整倚竹調冰。隔花傳酒。一角紅樓。重到已非舊。尊前漫說當時夢。夢也如烟瘦。更休窺塵網。鶯簾。苔荒鴛甃。電走駒陰驟。只不改青蒼。將家晴岫。為問年時。曾見畫眉否。玉蕭那有重來約。香冷愁回首。繫離魂。空牘長橋臥柳。

浣溪紗

憶邗上舊遊

舊夢揚州最可憐。畫船艤處水如天。玉簫吹破綠楊烟。曾隔簾衣通燕語。為彈淚雨濕箏絃。送春去也又今年。

綺羅香

友人以夢珠女子春怨詞見示。戲仿其意。并用原韻。

烏骨簾低。岷豪幃掩。朝倦醒來慵起。綠慘紅愁。畫出送春天氣。便遼西夢遠。難尋。恁硯北書沈不

寄。倚江樓。數遍遊鱗。枉教紅了鯉魚尾。挑燈重檢舊札。曾道荼蘼開後。定成歸計。花底闌干。知否有人孤倚。問柳綿飛到天涯。猶解惜江南春未。盼何時。聲震瓊扉。隔花嘶寶騎。

木蘭花慢

秋日至青溪。經春痕。閣美人天遠。渺渺予懷。倚此書感。

問蘼蕪滿路。何處送紫騮歸。怕裂葉風尖。揭雲露冷。涼到生衣。相思欲彈怨曲。拂冰絲。秋滿十三徽。斷夢難尋。珊枕殘香。空染綃幃。休題影事已迷離。賸有鏡鸞知。便辛苦年年。伯勞飛燕。還有逢期。淒迷。只憐淚雨。趁寒潮不到小姑祠。翻羨樊川殘約。三年未算來遲。

轆轤金井

初秋曉步池上。新霜乍零。芥木明瑟池波鱗鱗。涼寫荷影。遲客不至。歌此攄懷。

荷衣消翠。小銀塘。昨夜乍驚霜信。夢穩閒鷗也。輕寒催醒。晨曦弄影。試半臂畫闌閒凭。折竹扶蕉。編籬護菊。袖沾香冷。迷濛霧華猶凝。又征鴻乙乙聲隨。金井喚醒秋魂。勸觥船應肯香莎曲。選問可有履痕來印。待與商量。移棹喚鶴。莫孤烟艇。

浪淘沙

江口阻風

短棹泊秋江。落葉茫茫。望中煙樹已他鄉。斜照欲沈風色起。畫出蒼涼。誰與勸離觴。影瘦銀缸。

雁聲啼白一篷霜。香燼青綾寒獨擁。水驛更長。

河傳

有意

曾記花底。試燈時節。嫩寒天氣。玉簫聲裏畫簾垂。停盃。春愁堆兩眉。分明謎語尊前遞。佯不理。教會千金意。那時情最膏騰。而今夢涼何處溫。

瑤花

江波淼淼渡夢無。由月瘦霜寒。又去年今日。燕來雁去。彈指頃過了落花時節。迢迢烟水。問雙槳誰迎桃葉。

便一眉還解窺人瘦。到舊時明月。蜀牋空寫相思。悵冷落秋潮。丹鯉難覓。牽蘿補屋。知舊事還。有智瓊能說。仙巖再到。又恐被寒雲低罨。只記他青粉牆頭。一樹梨花如雪。

菩薩蠻

小牕吹過楊花影。流鶯自喚春魂醒。芳草碧黏天。錫簫吹暮烟。誰登池上閣。閒煞秋千索。欹枕夢行雲。簇花胡蝶裙。

又

白蘋香滿尋芳路。飄來一陣廉纖雨。閒倚小藤牀。桃笙如水涼。羅衣紅貼水。摘得新蓮子。底事



也如儂蓮房一半空

又

玉纖誰把參差譜。小庭秋色涼如許。新月曲瓊鉤。湘簾捲暮愁。過樓疑雁影。不見天涯信。一葉墜階前。紅窗夢似烟。

又

水晶簾薄橫梅影。玉闌干外宵烟暝。魚鑰鎖重門。鑪香盡意熏。前期曾記否。說道過烟九。又是落燈風。夢遙山幾重。

憶舊遊

城西謝氏小園。略有水石。春日賁從嬉遊。半集於此。倚池一軒。額曰吟舫。余所命也。主人索

題。倚此應之。

愛花園亭角。柳拂樓心。竹掃簷牙。沈坐春寒裏。有燕銜香蔭。蝶趁風斜。響環畫闌。紅遠逕曲。儼盤地。更隔斷黃塵。簾垂烏骨。牕掩蟬紗。憐他水窮處。著小屋蘆埼。宛似輕槎。添個雙了髻。便五湖三澤。都可浮家。判教聽風聽水。鷗夢穩。天涯可強似。卸關坐愁。空見雙鬢華。

水龍吟

秋日登靈巖山望隔江雲樹。半沈寒霧。攜短笛臥塔院東壁。吹坡翁大江東。去詞明月出海。

冷光鑑人弄影而歸途中漫紀

金泥畫出江天。玲瓏塔影波心墮。風帆漸遠，霜洲秋沒，一痕烟鎖。扣壁呼猿，隔巖招鶴，蒲團孤坐。指斷霞明處，遙山幾點，渾似著紅綃裹。石竇曲容雲臥。趁涼颯，笠簷飛過。閒吹鐵笛，喚來圓月。爛銀盤大，髮冷風梳，衣寒露濕，不如歸此。早引人雙屨，隔林明出，數星樵火。

徵招

蘭邨有詞見寄追話昔游感賦此解用廣其意次玉田答仇山邨見寄詞韻

銀瓶指索拋金彈。麤豪那忘年少。雙髻喚當筵。更雲和斜抱。可堪彈指。頃已星鬢。鏡奩愁照。笛裏秋深柳梢月古。酒邊人老。休再話從前。新參得。拈花。那時微笑。螳夢不分明。幸驚回。還早烟波如此闊。莫間了瓜皮船小。且同去。碎剪江波。聽亂鶯啼曉。

憶江南

席上賦情

情脈脈拋去。更相尋。五夜孤衾寒客夢。一絲千里繫人心。最好不分明。

又

情脈脈密意。解先窺。偷餉新茶憐病酒。怕禁宵露為漆衣。冷暖早心知。

又

情脈脈偏在不言中。腰帶幾分因別瘦。臉波一霎見人紅。窺宋到牆東。

又

情脈脈笑靨為誰開。心字燒香防妹覺。眉共傳語任郎猜。沒計自安排。

金縷曲

青溪別筵偶紀

淚滴離觴冷。怪秋江、催人放棹。夜來潮信。唱到陽關第三疊。殘醉那時偏醒。記條脫臨歧偷贈。說道團圓須似此。更教知不變。堅金性。盟鷺臂。倩伊證。而今懷裏藏離恨。只尋常、蟬囊羅帕。已堪愁損。望斷一條衣帶水。何處弄珠人影。豈石上三生無分。賸欲將渠鎔作佛。熱心香。細把前因問。誰遣此。釧聲聽。

摸魚兒

吳山尊侍讀

嘉

招同陳荔峯學士

高慶

張船山

問陶

花曉亭

杰

兩檢討錢謝荅吏部

枚

袁蘭邨

參軍集京師寓齋聽雲郎度曲即事偶賦

繞閒齋高梧。叢竹蕭疎。便似巖岫招邀。喜遂尋秋約。浣去俗塵三斗。清話久。漸幾片殘霞。紅染斜陽瘦。此中宜酒。問醒戀朱軒。夢窺青瑣。何似伴紅友。團圓坐。一笑整持。左手黃花香染衣袖。當筵

況有櫻桃鄭。軟語可舒眉。皺沈醉後。念此段清歡。略似江南否。別懷儂態。又累我今宵蝶魂孤趁。遠

覓昌柳

八聲甘州

船山太史刪定拙詩過蒙稱譽倚此奉謝

嘆十年結客少年場。贏得一囊詩幾。詞誇黃絹。才矜白戰。闌寫烏絲。只有愁紅怨綠。付與斷練知零落。何堪借。飽蠹應宜。為感多愁平子。肯披沙刮膜。筆露秋垂。把羚羊桂角消息。告誇痴。愧不是。豐城劍氣。枉勞君稱說。遍京師。南歸矣。問阿蒙今日。何似當時。

湘月

出關晚經南天門作

草枯沙白。恁出關秋色。蒼涼如此。車鐸郎當。投古戍。何處明駝。先繫一片悲笳。數聲斷角。吹落斜陽紫。昏星未上。滿衣都是霜氣。千尋指認危崖。青蒼削。方似阻南來騎。冷翠壓車登不易。仰首人。行天際。紅柳蕭蕭。朱旗閃閃。門掩黃雲裏。舉鞭試叩。皂雕足下。騰起。

虞美人

暮遊尺五莊

澄波不動浮明鏡。敗柳艤漁艇。孤亭一角鎖寒花。塵網珠簾。金褪海紅紗。攜尊待月凭鷗檻。涼魄櫻梢見。誰吹橫玉喚秋魂。不覺城頭鼓動。又黃昏。

摸魚兒

王郎晚香出扇書倚此以贈

訴家鄉橫塘七里。吳趨坊裏曾住。緣何也作春明夢。誤入燕支小部。花解語。看軟踏麝。未要周郎顧。幾聲羯鼓。催一串歌珠。迸來笛裏。花散滿天雨。檀槽小更解。么絃親撫。繁聲促拍能度。倘教洗盃池頭見。定使雲郎却步。攜手處。早將我鄉心一半。消磨去。尊前別緒。問肯買偏舟。佛狸祠畔。來覓墜歡否。

風蝶令

試官中州將及半載歸興忽動晚登吹臺望江南有作

偶作游梁客。慙非入洛才。閒扶殘照上繁臺。一派黃流如雪捲秋來。歸興思鱸膾。幽尋倦筇屨。連宵有夢返山齋。却恨報衙官鼓屢驚回。

百字令

題亡友錢謝峯吏部微波亭圖

數椽老屋。有綠雲深護。筆牀茶竈。仙露坊東無數武。記我昨年曾到。鶴守書寮。禽窺園果。岸幘同吟眺。亭臺歷歷。是誰點染偏肖。畫裏風貌。依然風流頓盡。宿了墳頭草。戲笑平生留誓約。斗酒隻雞來弔。冀北霜寒。湖西春老。何處招魂好。遺文重展。蠻牋。汜淚多少。

金縷曲

題錢小謝憶秋室圖

誰識秋歸處。畫將來。山寒水瘦。荒涼如許。矮屋數椽。籬一角。不信秋從中貶。偏著個。霜蛩宵語。催點安仁雙鬢雪。只竟林長。簾天難曙。更牕外。逗疎雨。萍蹤前歲京華。駐聽人。誇謝家道。蘊才。工詠絮。幃啓青綾。曾許見。平視。天人眉嫵。怪一霎彩雲飛去。賸有黃金臺上月。照歸魂。來覓虞山路。曾識否。此庭宇。

月底修蕭譜

題潘朗齋明府鎔填詞圖

剪飛雲。團舞絮。髮柳三變。唱遍新詞。比似縣花倩。試從花底偷聲。柳邊換拍。定痴到。啼鶯飛燕。圖中伴。分明一曲溪流。照過那人面。素指纖寒。疑聽玉簫颭。問他枝上柳綿。可能歌否。恐惹得淚痕紅泣。

買陂塘

白門歸後。頗增寥寂。淚痕浥袖。酒香在衣。緬想墜歡賦此。一斛寄酒邊。人以短琴撫之。當冷冷

然。有江風拂絃也。

倚紅樓。高梧瘦竹。未涼先。逗疏韻。樓中曾為聽秋住。月色恰來依映。圓似鏡。照一曲溪流。人影闌干。

並簾衣涼浸。訝小字輕呼。却聞蟾窟依約有人應。妝初竟愛把冰徽自整。粉痕微沈。琴軫絃將手語傳幽怨。此際斷魂誰省。憑借問。問底事。星娥只許張星近。桃花粥冷。賸惆悵溪頭。游仙夢裏。重把舊游認。

臺城路

羊權條脫分明在。遊仙自縈清夢。鬢臂幽盟。指鐙隱語。酒釀那宵微中。蘭衾對擁。奈未了。丁寧曉鐘先動。嘶斷斑駁柳絲折處。綠無縫。重來定知何日。記下山十里。月底偷送。碧玉芳年。朝雲同。姓名是廣寒仙種。別輕愁重。料打棹難迎。大江潮湧。知否新來。沈腰移帶孔。高陽臺

高陽臺

春風欲去絲雨滌塵偶憇小石梁漫歌此解傷春念遠情見乎詞

柳拂烟籠。花埋雨屐。送春人倚橋闌。賸幾番風。可憐換却輕寒。榆錢滿苑飛胡蝶。買愁來不買春還。恁無端鏡匣朝開。瘦了眉山。年時嫩約成閒事。有合歡扇小。空畫乘鸞。冷落琴絲。淒涼欲向誰彈。辛勤紅了江魚尾。只。能傳兩字加餐。望長干天樣。迢迢啼損香蘭。

綺羅香

重三節後春意欲闌挈榼登凡月亭波鏡初拭隨雲留影酒邊人遠觸景增眷倚此付姪人綠

意以鵝笙譜之

蝶瘦胎香。柳眠孕絮。漸覺東風吹嬾。分付閒情。只有酒旗歌板。捲鶯簾。試數狂花。近蠶浴。羞看愁繭。便無多。幾曲屏山。隔他來夢似天遠。沈沈前度影事。不信春光。又老歸鞭。猶緩。滿鬢螺雲。怕向鏡中偷換。便雁程易阻。峰迴恁魚信也。隨潮斷。瞻方塘。曾照鷺鴻。水雲明一段。

### 洞仙歌

落燈風裏。訝隔簾窺見。認得前年玉人面。恁倦簪釵。鳳慵整鬢。鴉聞微嘆。鶯醒玳梁棲燕。籠鸚剛報道。牕外人來底事。回身畫屏掩。難道未分明。近在牆東。便簾響也應聽慣。倘未許吹笙上秦臺。又何用香羅。那時偷換。

又

青莎曲逕。踏水蟾涼影。略許香肩夜深並。繞闌干。曲隸網戶。玲瓏教小步。莫把烏龍驚醒。鶯花經小劫。舊約難憑。訂取新盟倩誰證。端莫問雙星。一會經年。怕人世易凋青鬢。且偷去焚香海神祠。祝日日相逢。似他潮信。

又

潮平風輒。喜橫江蘭楫。碎翦春波載桃葉。記別時。下九見已重三。猶幸是未到落花時節。新來多瘦損。未要瞞人。鏡裏眉痕染愁碧。借與好林亭。鎖夢應宜。且莫便歸期先說。問一片離魂。乍摶成。只並坐雙行。可能償得。



一般庭院。只春人纔去。便覺淒涼亂愁聚。認唾痕帳染。履印苔封。重尋遍。都是惹魂銷處。  
茫茫  
留鳳約。缺了情天。誰道笙鳩石能補。十斛縱量珠。可奈圓挑。渾不似野花無主。便補屋牽羅。又何  
妨。祇伴取黃頭。飄零憐汝。

瑣廳寒

閒讀玉田生詞見雨中。西渡未能寄問韓竹間之作。時余亦將放棹。白下阻於積霖。時事略  
同。依韻賦此書奉蘭邨屬令雙鸞歌於倉山烟靄中。當見一峰濕翠。俱化愁碧也。

敲竹音繁。碎蕉響急。曲闌愁凭。銀屏盡掩。瘦到一痕鐙影。向津亭收將畫。颿短橈。法翦江潮。冷伴  
雛鶯乳燕。餘香零夢。怨他春盡。涼潤倉山徑。想一般淒絕。香寒獸鼎。略無消息。應怪誤傳魚信。  
怕已教喚酒調笙。綺筵夕。張邀伴等。幾曾知涼透羅衾。未容宵夢穩。

買陂塘

王韓愴別駕

條

自淮安惠書叙別申懷兼詢青溪近事爰賦二解代柬

閒舒舒一條淮水。可能流夢千里。朝來潮落龍津渡。中有鯉魚紅尾。書乍啟。愛密字長牋的。的珠排  
比。柔情倚旆。把風絮新愁。雲萍昔夢。付與一棹奇。

官聲起。盡道此君小異。勝他白馬從事佩

刀。恰有徐州贈交。呂鄰邦深契。

時呂仲篤先  
主守徐州

才更綺。早么鳳桐花。爭和王司理。秋清月霽。想紀艷

詞香懷人吟瘦鈴閣夜眠未

又

記歡蹤去年此日青溪同泛烟艇繁星映水燈齊上簾底晚妝初竟秋月迥恰照見穿針樓上雙鸞影粉香成陣問誰按銀箏誰歌金縷泥飲幾曾醒  
纓彈指已換一番淒緊那堪門巷重認柳條  
藤曼離情繫添了使君新恨休再問便我亦水天舊話憑誰證花愁酒病對惜別管聲背飛鴛翼  
悔未茂陵聘韓攄所著小鬟曹阿巧已有所屬時余亦抱綠陰青子之感

金縷曲

贈史生情甫錫賢

長劍青天倚笑厭厭曹蜍李志都無生氣幾個英年能自拔不藉金張門第博得個駒名千里足了  
十人殊易耳學萬人敵者方男子余獨謂此君異而翁暨我隨園算真同悲哲人養去一星終  
矣宅相得卿差可慰好把青雲自致須惜此光陰彈指沈有君家賢舅在請蘭村也中宵舞為雞鳴  
起莫多讓何無忌

醉太平

柳煙下沈竹風未停花光紅上簾柱暈晴霞一層方塘鏡明迴闌倦憑誰拋蓮子波心打鴛鴦夢  
醒

謁金門

池漱玉。兩兩水禽相逐。略約小橋環六曲。曉山波面綠。欲慕元真高躅。酒熟葛巾須漉。花底是誰吹斷竹。亂紅飛軟款。

八聲甘州

喜心農蘭邨見訪

正銷魂。春色滿江南。爭肯放船來。却初晴。社雨乍香。林筍纔熟。缸醅難得鷓鴣盟。圓了。莫惜玉山頽。試喚銀蟾醒。照我衝盃。記不年年此日。覓渡頭桃葉。踏破青鞋。有花園綺席。冠側挂金釵。便清歡。經時未減。對江山。那似舊風懷。君休道。不如歸去。終勝天涯。

清平樂

鶯知蛇嬾。花落春將晚。一桁疎簾朝不卷。重疊亂紅堆滿。樹梢日轉牆陰。夜來屐印分明。却被青猿相問。是誰曾此經行。

蝶戀花

過隨園小集南臺即景偶述

別意新來寬帶孔。難得良辰。乍喜尊疊共。檐外一峰孤翠聳。竹梢低壓眠雲重。認得堤楊親與種。踈地枝長綠。到春無縫。風定萬條垂不動。煙痕深鎖鶯兒夢。

高陽臺

湖上用玉田生韻

風拂琴絲花埋翠柱。積香熏醉舫船。歲歲春遊消魂爭似今年。山螺分翠沾吟鬢。一峰峰瘦到堪憐。愛翩然雙蝶波心舞活晴煙。分明天與。纏綿地更休提笛。步漫數琴川。側帽行吟。最憐十五橋邊堤楊貼水垂垂綠。問而今第幾番眠下紅簾。還有春人怕聽啼鴉。

金縷曲

秋日登靈巖絕頂叢篁中選石欹睡江雲孤飛塔鈴獨語老僧邀就丈室設伊蒲之供杖策而

歸即事有述

林臥苔黏鬢聽倉崖竹風蕭瑟。夢驚鐘冷塔短飛來當面立。似伴伶俜孤影。又幾片墮雲遮。暝隱隱江聲騰足底。望東南一角千帆趁斜照外。雁程緊。斷霞散綺明鷓鴣。遙認取石幢。依約四禪天。近待就瓢堂衛魚去。還仗瘦筇相引。辜隨分香厨茶筍。袖裏涼煙歸去。好看亂峰沉霧山如定。海澹白照樵邊。

玉蝴蝶

一穗釭花搖影。可憐時候。又是新秋。閒了半牀冰簟。誰伴蘭牕。下鶯簾自溫燕夢。尋魚鑰欲鎖蛩愁。恁網繆。迷濛隱事。都上心頭。江樓送他歸去。畫帆搖曳。風軟波柔。未知今夜繫纜。何處霜洲。望

吳山幾重寒碧。問滄海可有迴流。不如休。鏡裏紅顏肯為人留。

蝶戀花

偶作花草四幀寄徐校書小蓉各題一詞 并序

勝地邦溝。清秋菊序。言偕俊侶。小作冶游。芙蓉始花。紅英艷水。木犀散靨。金粟磬山。對酒蜀岡。六朝如畫。徵歌吳舫。雙燭燒春。舊袂欲飛。仙人嘯樹。凌波微步。神女弄珠。李態張娟。競誇時艷。澧蘭沅芷。獨擅幽芳。則有校書徐小蓉者。光音天界人也。生長雞陂。廊聞響屨。僑居螢苑。黛畫長眉。蔣妹次三。霓裳第一。穠纖合度。脂粉莫施。一串珠圓。聞聲結想。二三月朗。顧影生憐。酒綠鎔紅。有時窺宋。金迷紙醉。無分留髡。低語獨聞。嬌波流鬢。深盃相勸。膩臉頰霞。小住為佳。言猶在耳。後期不遠。別自銷魂。斜照一蓬。額黃留影。遙山兩岸。眉翠分秋。極目天涯。雅盤風色。寄懷江渚。樹抱冬心。賦色難工。妝窺半面。倚聲偷寫。花記小名。范蠡船來。只攜簫管。薛濤門外。未種枇杷。尺素憑魚。墜歡如夢。腰纏騎鶴。沈吟至今。瓜步江空。予懷渺渺。蕪城賦就。帶水盈盈。自琢新詞。聊供按板。手摹沒骨。寄與裝堂云爾。

羅襪凌波江月午。隔浦盈盈。照纖纖步。曾約水仙王。嫁與梅兄。待倩東風語。只合素兒來伴取。嬌額塗黃。澹澹春妝古。雪裏偷將紅豆數。闌天竹。解相思苦。水仙蟾梅天竹

又

酒暈初生紅映肉。一笑嫣然。恰貯黃金屋。勾子銷魂憐鄭谷。美他胡蝶深枝宿。  
占斷濃春花品綠。伊續多買胭脂。描不足。殘妝半面明於玉。海棠牡丹

又

翠蔓絲絲牽別恨。悵望銀河。牛女迢迢影。籬角曉涼珠露凝。看般顏色秋空映。  
翦出彤雲幾許芳心賸。小雨晚寒添一陣。美人袖薄雕闌凭。牽牛美人蕉

又

蟾窟折來清露泣。嫁了嫦娥。金粟無人管。散舞霓裳珠一串。兔華依舊花間滿。  
只合秋江冷淡詩翁伴。綠就小名腸欲斷。柳州好為移湘岸。桂花芙蓉

摸魚兒

題廖十三雲桂風雨懷人圖

柳深深翠遮亭榭。畫樓不著殘暑。輕風自皺池心水。時帶一絲涼雨。凭檻處。早漲了鷗波。忽憶鷗盟。  
侶。憑誰畫取。看洗竹喧蕉。跳珠噴玉。迸碎此離緒。知君意。半念酒龍文虎。半懷相並。芳杜更應。  
念我舟如葉。還在江南羈旅。君解否。止君憶儂時。儂借倉山住。樊歌蠻舞。聽驟雨翻荷。一聲唱起也。  
自憶元度

碧梧山館詞卷一終

碧梧山館詞卷二

六合汪世泰紫珊

清平樂

春日齋居

湘簾貼地。火冷爐熏細。一種閒愁難料理。又是困人天氣。錫簫吹破春烟。日長閒煞秋千。看展庭蕉一葉。惜惜綠上琴弦。

踏步行

鬥草初闌。簸錢方倦。為誰悄步閒庭院。簾垂銀蒜靜無人。杏梁棲燕聞微嘆。推折簷花。故添鑪篆。依依欄角迴身緩。怪他楊柳多情低。迷難把離魂綰。

水龍吟

登金山坐妙高臺待月記東坡月夜登此令歌者哀絢唱自作水調歌頭詞乘醉起舞高風  
邈繼慨然興懷

巨鰲眺首波心。我來長嘯登其背。江天一碧望中。惟海眼前無地。蝶趁千颿。蛙蹲萬壑。紛紛足底。看怒濤滾滾。排山蕩石。半空捲魚龍氣。只有蕉仙抗手。向雲中。遠堆烟鬢。鐘聲依約。似來招客。覓烟霞契。蒼霧初沈。涼蟾欲上。爛銀盤洗。憶坡公何處乘風。一曲有誰能記。



清平樂

乘月放小舟登郭璞墓用銅瓶汲中冷泉歸就篷底煮之賦此自侑

輕舟如葉夜扣江妃宅。艤榜懸崖危。踐石足底亂星搖碧。親沈素綆。纖纖銀瓶偷取名泉。生怕銅丸震響。波心驚起龍眠。

又

竹鑪添火擁褐僂篷坐。此水今宵寧厄我。未舍一盤茶磨。松風蟹眼分明。舉盃自酌還驚。那用三霄露比。已看兩腋風生。

欄干萬里心

有紀

衣香引蛟鬢堆雅。生小溪頭學浣紗。鬥草閒來阿姊家。趁飛花。風辣頻吹繡帶斜。

又

生來眉掃遠山秋。誰與題名喚莫愁。十丈紅牆百尺樓。畫簾鈞只許寒蟾照上頭。

又

水晶簾額卷回廊。風遞蘋花滿院香。八尺龍鬚篔簹滿牀。沒商量。負了今宵畫閣涼。

又

魚鱗鑰鎖院東門。蝶夢初回約枕溫。起向闌干驗月痕。黯消魂。花影如潮濕露塵。



又

玲瓏悄揭綺幃開。不語盈盈月墮懷。說道新霜滿玉階。忍寒來。沈了湘鈎鳳背鞋。

又

屏風曲曲漏沈沈。送別閒庭小徑深。溜了搔頭碧玉簪。月籠明。苔臥殘紅沒處尋。

又

滿身香霧坐當風。心字羅衣著兩重。卯飲初醒意尚慵。瞥相逢。雙頰羞郎掩斷紅。

又

舞鸞鏡匣拂輕塵。睡鴨香鑪換夕熏。夢裏行雲醒尚驚。不分明。一股瓊釵枕畔橫。

臺城路

山塘小泊薄暮登真娘墓憑弔感懷倚此題壁

玻璃魂碎靡無老。一坏可憐香土。苔繡零青。碑橫斷碧。招取芳魂何處。半丸月古。照珮響天風。夜深  
深來去。詩板間尋。低吟不盡斷腸句。匆匆來此登眺。對夕陽黯淡。荒翠無主。俊客呼鷹。雞髮撲  
蝶。未肯憑闌延伫。萍蹤難駐。試盃茗頻澆。代他清醕。隔岸笙簫。又誰祠短簿。

菩薩蠻

眼波遙遞眉心恨。轉憐生小聰明甚。欲說又還慵。頰霞頰淡紅。隔簾天樣遠。月影何時滿。昨夜泥

碧林山館言  
卷二  
人彈銀箏絃十三

南樓令

湘灤頻伽先後解維夜窗獨酌偶拈此詞

明月又今宵。人隨去雁遙。對清尊獨酌成謠。閒想津亭船艤處。有春枕大江潮。蘆雪暗風飄。漁燈照寂寥。倚蓬窗定也無聊。知否登樓遮望眼。悵瓜步夜山高。

疎影

題花影吹笙圖同頻伽作即次其韻

東風皺水。染一堤絲柳。綠愔愔地斜抱雲和。涼擁冰蟾。淒清自訴。愁思坐他散髮人如玉。真好個紅泥亭子。任羅衣寫徧香痕。細解個懷情事。頗憶年時嫩約。小樓殘月。底畫檻雙倚。暝炙銀篝吹活春魂。更盡香焦心字。竟衰譜失憑誰問。只除是雙成能記。便圖來一樣良宵。難覓那時了髻。

滿庭芳

曉過含暉樓。篝暝餘熏。鏡迎朝旭。庭條搖影。綠上綺疏。闌花弄姿。紅清霄露。觀月上扶病理妝。嬌喘微沈。愁黛慵展。話水天之舊事。訴花月之新聞。鬢聲證盟。承睫有淚。憐其宛轉。增我纏綿。嗟乎。風前攪鬢。余深騎省之愁。橋畔市燈。卿有雲英之困。雖巢新占鵲。終難百兩迎歸。而絮欲沾泥。正恐一朝墮落。奈何愁。喚蘭閣指彈綴其瑣言。強作綺語。適索頭有衛夢。

詞因借其韻

淡日籠窗。頰霞烘檻。曉妝蟬鬢慵梳。樂鑪烟裏。來與伴無悽。誰種兩三竿竹。未秋風聲已蕭蕭。因何瘦。新來肺病。艾納尚頻燒。淒涼身世事。投懷軟語。紅濕水綃。問他年金屋。何處藏嬌。莫認愛河清淺。怕無端。還有風潮。爭肯住。伴他飛燕。樓頭十重高。

一痕沙

月上約秋日重來久盼不至悵然有懷

又是鯉魚風急盼。斷渡江蘭。檝難道。畫漪橋不通潮。潮落潮生夜夜。何處月明帆挂。孤負好涼天。擁愁眠。

木蘭花慢

述遇

向幽廊曲院。扶淺醉。覓前游。正髮冷風梳。影涼蟾鏡。漏轉蓮箋。簾鈎細聲。曼響是誰人來。摘紫風流。屬囊花一名紫風流。直把玉清。追著唐梯。級級紅樓。勾留香暝。倚相筭幕。淺漾羅幃。問幾生修到。珮泚初解。梭悔曾投。羞羞起。籠頰。髻任鬟。敬溜了玉搔頭。好覓桂紅封臂。印他小字。綢繆。

更漏子

含暉樓酒間偶述

喚黃嬌。酬白墮。莫負紅窗。火銀漏轉。玉繩低。今宵是幾時。今宵事。前年似。禁得幾番。彈指休。只是話從前。尊前正可憐。

百字令

偶相灑。徵君泛舟平山堂。憶丁巳歲。與蘭村游此。已十年矣。長橋臥波。仍蕩舊影。老樹橫嶺。俱增古翠。小伶愛珠撥。胡琵琶。泥飲昔夢。新歡兩不能忘。偶倚此解。扣舷歌之。

烟波十里任輕桡。兩兩劃殘。殘寒碧。記得年時。誇俊侶。曾共醉歌。花月鷓鴣。夢重圓。山盟未冷。人悵江雲。隔離心。欲寄雁聲。頭上淒急。且自喚取。雛鬟。玲瓏按曲。酒浣吟襟。濕解得。四條弦上語。一笑帽。簷花側。莫數前塵。暫聯今雨。得句蠻箋。摩照人雙影。海蟾遙。挂圓壁。

菩薩蠻

平山堂舟中偶紀

霜波不動澄明鏡。倚舷誰畫鷺。鴻影生小。便工愁。眉橫兩葉秋。帶寬嬌不理。斜露金詞子。垂手拂冰絲。一行箏雁飛。

齊天樂

蜀岡晚眺

平蕪畫處層岡。黛筍與亂穿空翠。石瘦埋雲。藤疎冒霧。涼到一襟秋思。危闌同倚看。兩點金焦。遠頽

烟警綠森寒潮背他斜日向東逝。繁華休數。當日帳空堂空幼渺。苔繡瑤砌行樂人遙。揮毫客去。夢斷竹西歌吹。我來一醉。試袖拂銀牆。欵斜題字。似厭遊人。晚峰慵欲睡。

玉聯環

寒閨夜憶圖

銀鴨夜寒相守倦籠紅袖。欵眠慵整。鬢邊雅悄。不覺金釵溜。數遍沈沈蓮漏。夢遙香瘦。缸花只照。

影曹騰怎照出眉痕皺。

西地錦

花影零星滿地。被輕風扶起。月涼烟瘦。更殘夢遠。好愁人天氣。遙盼秦樓天際。有音書難寄。江

潮不過佛狸祠。況隨潮雙鯉。

虞美人

江上秋生酒邊人遠小樓聽雨遙夜獨愁漫述此詞以憶別緒

芭蕉葉上零星雨。滴碎離心苦。一般同是昨宵聲。少個昨宵人坐便愁聽。前塵昔夢拚拋却。不

分思量者。誰挑雁足小銀缸。又是孤花欲施影憧憧。

木蘭花慢

登九月亭望城外霜楓初醉燦如錦屏霧紫霞頰未足比擬爰為詠之

恁輕霜一夜將彩色染寒枝。愛赤映城霞。紅分凍雪。裝點林扉。離披。定他青女舞西風。剪綠作秋衣。翻影偶來雅瘦。比花偏笑環肥。江湄高岸坐。來直拾翠。寫新題。襯一角荒山。數行衰柳。冷艷淒迷。前蹊車聲乍歇。又誰人貪玩夕陽時。落處便知江冷。夢回惜少。猿啼。

卜算子

柳拂烏巾俊。花颺釵梁靚。知是中庭撲蝶來。袖染零星粉。獨自危闌凭。愛聽泉聲冷。多事回風聚落紅。壓住鴛鴦影。

蝶戀花

春日觸遇有感

衫子退紅裙不皂。小立風前。羨新妝好。欲折一枝來。夢草葱尖。微露麻姑爪。滿眼蜂圍兼蝶鬧。命薄桃花。悔嫁東風早。輸與綠楊隨分好。日長閒埽。吹笙道。

金縷曲

楊蕊裳農部

芳燦

僑寓白門。激揚風雅。令子伯夔。

夔生

亦以詞賦擅譽文壇。頻過倉山。嘯弄

風月。間以札來招邀入社。余羈於塵俗。未即放舟。湘灤徵君。鼓棹先往。及十月之首。甫得踐約。而蒼臺喬梓已將返梁溪。戒裝待發矣。蘭村出湘灤所作倉山月話圖。命觀圖中四君。皆我宿契。未得壓角其間。不免為山靈齒冷。援筆題此。時殘燭欲燼。雁聲滿天。琉璃

屏外。千林隋葉。如聞碎玉也。

涼魄中天墮。照園亭。四三閒客。冷吟低和。蕭瑟情懷。伶俚傳影。只在花南。硯左。貪伴取筆牀。茶磨。側帽詞成。傳唱罷。更滄桑。聽證聲聞。果非玉屑。早驚座。堪嗟佳會。偏遲我。負幾番。花前酒盞。吟邊燈火。今日匆匆。尋陳約。空牘烟環。霧鎖。已散了。前宵實。在月。又不來人。又倦鎮。昏昏如夢。惜惜坐聽孤雁掠。盡。

暗香

定瓷蠶蛾香盒車秋舲

持謙素製

撥灰添炷。想美興。悄啟睡餘情緒。鵲尾銷金。恰共安排。傍瑤戶。不惜摩挲。欲遍。怕還牘相思。偷貯管領。受一縷。溫聲。聲價儷哥汝。春暮有嬌女。早夢到蛾兒。夢書夢蛾兒者曼卷也對伊瀟訴。淚痕暗注。應替人人。泣清露。定瓷以濕濕如淚痕者為上可也。裝來心字笑。遞向繡幃。闕處待問訊。別翠袖。又經幾度。

浣紗溪

憶綰同心。欲別難。風光彈指。又催殘。再眠情。絮學吳蠶。簾額碧。紫香一綫。窗眉紅。暈日三竿。被池消盡。隔宵寒。

綠意

飄兒菜和秋舲



斜陽老圃看晚松種後。寒色淒緊。爬鱗誰久。簇簇霜苗貼地。翠雲千頃。坡仙只慣行吟負。已錯過  
蔬筵珍品。憶九中呵凍烹茶。細剝內重檀暈。休便輕嘲儉素。抵他小四海真味徐引。細糝紅鹽  
滿貼。青瓷享受。山家風景。共誰尊菜紫鄉思也。探徧雪中芳訊。雪壓後乃更佳是恁時解事厨娘。湊入隔  
年春筍。

清平樂

盧相槎明府 元璚 出宰官前身圖索題

結趺坐第幾蒲團。破底事聲聞纔證果。便與風塵摧挫。不須抱膝沈吟。青蓮半偈。分明了得度  
人初願。後身還是前身。

滿江紅

戊辰歲除蘭村有詞見寄悲歌當哭觸我素懷因賦六解寄之慰其輒輒不覺言之重香也

塵海茫茫。偏使爾長卿憔悴空騰譽。珠誇五色。駒名千里。匣鎖劍藏衝斗氣。風停鵬息。排雲翹聽  
絃琴誰賦上邪歌。悲同志。嘆已逼崢嶸歲。可尚作魏我醉。便并容雀乳。含終蝸寄。人美人憐渾  
莫問。集枯集菀都非計。偶為君商略到平生揮清淚。

又

世業之隆。人爭說龍優豹劣。總輸爾海陽胞塔。季常眉白。文就羣鸞鸞鳳。躍詩成長嘯。胡盧榔早



編來集。號小斜川花盈帙。倉山徑饒烟月。龍津渡。便舟楫。記相逢一笑。帽沿花側。雀舫燈前。青中酒。胡牀月底。狂邀笛。聽纖兒結隊。浪標題。風塵客。

又

結客名場。曾廿載金蘭書譜。也同約平原絲繡。浪仙金鑄。賈過偶深題鳳。愧宵長誰惜。聞雞舞志。知他人海有風濤。傷萍絮。乍相伴燕臺住。又相送邗江去。待倒持手板。應官聽鼓。風木驚悲。身世換。麻衣海。被塵埃污。更無人嘆息。五流離憐辛苦。君癸亥歲與余同謁選都門甲子春君捧檄邗江甫到即奉太夫人之諱

又

葛帳西華。笑頻歲風塵奔走。何處趁邱遲賸錦。祖塋神口。乞食詩同陶令賦。絕交論之嵇生構。歎生涯歸傍故人居。青氈守。君館胡心農副使刻休重數蘭陵秀。怕人問名賢胃。只澆將愁肺。惟憑紅友。馬券時勞虎。僕寫硯田歲沒鴉娘。便鏡中面目也。憐他觀河醵。

又

肯拾蓬螢。問那覓仙人善眼。空累汝曲。窮却歌編幽感。渴鳳可憐難下肺。饑蠶不信能成繭。賸風塵雪虐冷心懷。和情戰。頻分得胡威絹數。豈似齊竿濫喜。常教玉倚。暫停蓬轉。假館肯留緱嶺鶴。登筵許割叢庭鷄。只次山容得士源。狂杯湖泛。

又

破體書成損惠我百番箋素。試讀向碧梧館裏。答他寒雨聲外。韻傳金柱。琴句中。勁設銅牙。弩感山眉倚檻。有人聽紅鉛注。蠻觸鬥。愁君誤。焦鹿夢驚君悟。悵流光鼎鼎。顛毛非故。誰見日車翻力士。空嗟月御馳義女。笑詞場。我是失晨雞。鳴思補。

虞美人

錢恕堂明府梅花帳額

萬重香雪。渾無主。付與輕綃護。水邊籬落。記相逢。不分全身夢。受暗香中。羅浮天遠。孤山冷。何似藤牀穩。一層燈影。一層春。未許翠禽鶴子。漫相驚。

水調歌頭

須印圖為袁泉亭浙題

兩岸綠陰合。渺渺是河津。十里五里相望。幾許畫烏亭。多謝蘭橈桂楫。慣渡離鴻。斷雁來往。結鷗盟。歎乃棹歌發聲。過浪花平。舫青雀船。黃篋艦。蒼雲片。颿風駛。窮途誰問。渡頭人。何似瓜皮小艇。絕勝慈航二葉。彼岸仗伊登。我亦迷津客。指路欲從君。

蝶戀花

五雲書館圖再為泉亭題

小院桐陰新綠潤。欲試囊琴。雙掩芸編。等茶熟香濃。長晝靜。萬花如笑。風初定。雛鳳依依。奇字

問。可是醜來顏氏傳家訓。秀徹丰神王子晉。從知惠種還生聖。惠種生子見莊子

金縷曲

雲間郭君怡雲過訪。枉贈印章畫幅。答贈此解。即送其就試金陵。

誰響花間屨。是當年賦江俊侶。注莊佳客。越布單衣清似鶴。容我鷗提鷺。難得此同盟。車笠重把。折枝圖。便面借胭脂。能喚春魂活。真自有生花筆。玲瓏幾片芙蓉石。看摹成月地體瘦。澗虹形屈。添了文房清供好。那數鄭虔三絕。且聽取泥金消息。好與園花都寫照。有藏醪豈肯為君惜。轉眼怕雲泥隔。

江城梅花引

冬夜不寐起步中庭。憮然有意。

半牆明月半庭霜。小回廊。影昏黃。數遍寒砧。二十五聲長。夢既不來人漸倦。彈淚雨。憶前塵。空斷腸。斷腸斷腸。事茫茫。說橫塘。又錢塘。盼也盼也。盼不到。兩字鴛鴦。可是近來潮信斷。寒江鏡約。欵盟都莫問。只難道。莽天涯。成故鄉。

臨江仙

題藕香吟館圖

棹月子游青溪之上。眷士女藕香歸。茸吟館俯清池。植蓮蕙柄。即以藕香題額。復繪作圖。

三致意焉。日月幾何。青黃變色。吟館依然。而瑟瑟紅衣。已蓋鴛鴦遠移。別渚矣。題此解聊以解嘲。

占得妙蓮花世界。茅亭合勝紅羅。相思吟寫水窗多。涼雲留夢雨。香霧漾晴波。絕似青溪第三曲。只差烏骨簾拖。傳聞清淺到銀河。重來聽不得。急雨打新荷。

摸魚兒

盧相槎大令元際乞養還吳見訪話別翦燈泥飲填此侑觴

又相逢。落燈風裏。銀章初換。囊空頻年。幾度聯牀。話那似者番清絕。聽細說。已小涉波濤。似怪收帆君陳情後未奉部復即先送太夫人還吳致遣吏議有南齊張景山之風隨身一拂笑。莫問前身。休參後果。放下即蒙憐君有宰官前身圖

思歸興。豈是膏肓泉石也。非散屣簪紱。小人有母。懷鄉里。歸理故園烟月。雙畫楫。羨載得全家。逕返神仙窟。重逢何日。聽笛裏春愁。一聲吹聚江柳。未堪折。

菩薩蠻

宋別駕眷吳下女郎金珠贈詩盈帙出以索題

碧桃花底三生約。辛勤留得連珠諾。越網織千絲。迎歡定幾時。懊儂詩百首。和淚閒裁就。吟向玉臺邊。要他知可憐。

金縷曲

投葉琴柯給諫紹桂

竟遂登龍願。喜頻窺雲林。清悶得儕羣。序更感詞場。谷壓南曲榭。圍燈清譙。暫消受酒香。茶釀花

戶。油窗塵不到。聚客星三五。深盃勸。蒙招與唐鏡。海太史。忘漏鼓。幾更轉。畫圖多謝。題詩遍

曾惠題碧梧山館西園話別。羨烏臺。焚完諫草。尚枯班管。聞道乘軺。趨六詔。一尺輜軒。行卷新句

二圖并妙。吉祥尊者象贊。先生督學慎南有集。哀然一時傳誦。儻就高齋教執。暫得辦香細。燕從頭展。善徵露手曾盥。

又

憶昔扶牀日。侍椿庭。試官梁苑。縣花曾折。却記剛逢賢太守。持榻頻邀親設。經幾度春風。披拂先大

官中州攝縣印凡九州印一後調札令權許牧時先。自揚鑣。分官輟使雲龍。追逐雲泥。隔公由

生尊人方伯公守南陽曾為屬吏泰則生於杞署也。卅載事。歛陳跡。自乾隆癸巳迄今嘉慶。今宵剪燭聽公說。感當

州移守桂林旋因疾告歸矣。時趨庭。穉子鬢飄新雪。豈敢通家。追孔李。香火緣期再結。願公早屏藩。繼續他日。應官聽鼓處。許

倒持手板迎旌節。留住話。待重質。

沁園春

錢東生太史出西窗話雨圖索題圖為辛酉歲叔美在都門作其時謝奔方觀政銓曹也

茅屋三間。難得團圓。天涯弟兄似故山。何處林烟弄暝。平生幾度酒頰同。蘋細響吹來。鄉心話久

判却今宵夢不成。聯牀穩。傲飄零坡老。孤枕彭城。英英玉友金昆。偏幸我頻年蓋屢傾。歎玉樓

成早通眉客去。謂謝草堂營未捉鼻人貧。叔美甫自余家歸吳江波轉萍蓬。風迴雁聚。握手金臺。又遇君譚

陳跡。賸窗西畫燭。應也愁聽。

碧梧山館詞卷二終

戊午季校正精鈔

閩南雜詠

文明書局藏版

上海文明  
書局藏版



閩南雜咏

錢唐 袁綬 紫卿

出山留別

別母堂在感隨卽遠宦情白雲千里隔華髮一時生。願祝堂常茂還期草並榮。蓬窗今夜夢定繞石頭城。弱弟心如一相依又十年長貧憤彈鋏小別亦傷箋。菽水同商略芸編莫喜捐家聲懼中落盼爾繼前賢東髮尤相契同根姊妹花卅年榮瘁判幾輩世情嗟白水盟心跡青雲感歲華春來宴桃李應念客天涯嬌女初離膝邦江白下分溫涼調乳襍燈火伴辛勤婦德宜相最夫憐想更殷他時遂初賦饒餉助耕耘

金山懷古

幾隊艘艖逐浪閒。夫人督戰鼓聲催細民敢獻逃戎策大將空嗟破敵才樓閣尚從山頂峙波濤仍自海門來東流不盡英雄恨十二金牌事更哀

錢塘懷古

路出錢塘水更清掛帆人在畫中行山如疊浪黏雲碧江欲浮天濯鏡明霸業已隨靈跡冷神威還逐怒潮生霜寒一劍偏安局猶勝辱王乞罷兵

庚子冬赴閩途中與伯鋈夫子同作兼憶倉山梅花

我本餐霞人。冲襟愛山水。時平恨不櫛碌碌守鄉梓。君沾微祿適闔越。我始同來醉江月。高掛蒲帆趁順風。回頭倏過千芙蓉。望夫石遠疑人立。目斷歸舟龍骨出。萬古難銷是此情。江聲日夜疑鳴咽。金焦兩點風利不得到。只恐烟蘿暗騰笑。古杭五日留。西湖慳一遊。母乃愛惜費。雨雪風颼颼。錢塘復上江山船。船頭少女呼同年。江湖也作廊廟想。不用文光射斗象。明眸皓齒竟虛名。水佩風裳空想像。浙西山水天下奇。竭來可惜窮冬時。層巒疊嶂睡未醒。不鬥明珠懶畫眉。灘河水清石子多。高師涉險相喧嘩。小船輕捷大船笨。瞥眼已過疑飛鳧。冰漸雪淨天地肅。撥棹空江皺寒綠。蓬窓煮酒安吟魂。手寫新詩屬君續。忽憶倉山萬樹花。寒香冷艷紛橫斜。羅浮夢好不歸去。鶴守南枝應怨嗟。

桐江舟次憶倉山同人

故園何處是。雲霧思依依。歲晚鷗盟冷。潮寒鯉信稀。灘聲喧水碓。帆影掠魚磯。繫纜荒村近。含情倚夕暉。

釣臺

北風忽捲山雨來。擊纜不果登高臺。先生高尚隱不出。羣獨釣空江。珥貂書物色。曠書徵五月披裘人。易識故人轉忘天子尊。足加腹上驚星長。先生高卧帝不悅。子竟不肯為我屈。當時求賢如此誠。先生釣魚烹釣名。先生不出臺不圯。千秋萬古名蒼昊。

蘭溪晚泊

望中卽市轉。不覺畫船移。江濶寒來早。山高月上遲。灘聲驚客夢。樹色逗鄉思。燈火篷窗晚。娛情酒一卮。

清湖卽事

水聲如急雨。知有大灘來。篙子呼風渡。漁童撥棹回。泉流疑噴雪。石響訝奔雷。暝色蒼茫裏。寒先雁陣催。

仙霞嶺

仙霞嶺。翠壁宮堦。陟險籃輿去路。逆怪石。這疑蹲虎豹。奇峰高欲插雲霄。天分閩浙。巖雄鎮地。近滄溟。壓怒潮。差喜時清。烽燧靖靈祠。虔禱佛香燒。

建溪

灘河險已過。建河險更怕。却買永福船。涉險例昂價。船小兩頭尖。木瓜前後架。蓬低畏順風。溜急帆早卸。不知何年代。鑿此山骨下。掙盤躡水面。疑是怪獸化。一灘復一灘。屈曲穿石罅。水口灘漸平。好景如噉蔗。蠻荒氣候異。開感同初夏。草木鬱青葱。風來送暗麝。山雲自蒸騰。山花自開謝。峰峰儼畫屏。竟日讀不暇。誰為闢五畝。吾欲稅吾駕。

閩南寓館雜感

石火光中閱歲華。不曾輕負好烟霞。雲根坐煖山花落。竹院眠遲水月斜。變體工書慙銜爍。慰情珠句報春嘉。過來韻事從頭憶。清景難忘阿母家。斗北箕南繫夢思。出山何日是歸期。六旬老母持門戶。三省羈人感別離。縮地有方貧亦樂。點金無術恨難醫。一官難助謀生拙。況值糧槍未掃時。骨肉無多六處安。魚書重疊勸加餐。婢媵福地驅秋易。傀儡名場悵意難。花縱風飄憐散散。月當雲淨盼團圓。塵夢第一飢驅苦。官閣燈紅影尚單。閩南蠻語譯難通。入境都成有耳聾。俗陋民頑官似鼠。價高市小婦猶狹。閉門何異居空谷。面壁真同住梵宮。詩酒緣疏知己隔。故鄉疑在五雲中。

讀史有感

萬古紛紛一局棋。輸贏未判孰先知。驢鞭易爛光陰短。冷眼旁觀悟已遲。讀武水仙一念貪。如

何骨肉自相殘。輪臺詔下心方悔。思子臺空淚不乾。化家為國有何功。入贊黃扉九錫同。一樣

巢傾虎卵少。南朝天子可憐蟲。投鞭欲渡廣陵潮。草木皆兵氣燄銷。十六國君元魏別。孝宗不

愧聖明朝。不削藩封改府兵。家奴難制誤因循。迎來佛骨空膜拜。怪底慈航不渡人。汾河沙

子亂中州。皇帝稱冤竟不羞。可惜時清英主出。軒弓易墜霸圖休。祥瑞天書舉國狂。妒功奸佞

舌如槍。官家不用慚孤注。幸免青衣泪數行。羣盜如毛殺運開。南陽勳戚勝庸才。麤舞罷乾坤

破。忍駕明駝載寶回。養寇爭功坐失機。諍臣殺盡諫書稀。祖宗暴虐免孫閭。孽報何須論是非

青史重緝每不平。可憐天意困蒼生。忠良在位權奸黜。定為君王頌聖明。

月臺晚眺

廿載烟雲供養身。故園別久屢歸頻。北來雁字遙空過。可有鄉書寄遠人。

聞道

聞道夷烽警。江南已戒嚴。不知天下士。智勇是誰兼。戰守無長策。攻心之將才。如何趙充國。此日欲懷來。膽大君恩厚。才疎遠慮忘。相持謀未定。何處撤邊防。謬忝金張位。難分宵旰憂。愛財兼惜死。何以慰宸旒。海禁無寬弛。誰能濟米豚。懸軍敢深入。嚮導有懷恩。夷情同鬼蜮。妖草惑黔黎。不凜冰淵懼。能無悔噬臍。將帥安危繫。無私識鑒明。太平時已久。列閫不知兵。物豈無相制。神機貴出奇。工師無利器。石隸愧男兒。炯戒垂青史。忠謀仰李公。偷安主和議。不戰叙軍功。昊天最仁愛。剗數定人心。莫逞侵凌志。當思蟬雀箴。

送春

好春如過客。惆悵不能留。舊雨三秋感。殘燈獨夜愁。鄉書遲去雁。別夢冷眠鷗。喚起休催暝。飛花滿畫樓。

寓樓晚眺

小樓宜遠眺。薄暮一望臨。萬瓦炊烟起。高城夕照沉。好山青繞郭。嘉樹綠成林。極目遙天濶。鄉關

何處尋

即事

閩嶠羈縻損性靈。宦貧御下也無能。頑奴叛主狂如獗。客至呼茶謾不應。

初夏聞蟋蟀

異鄉殊氣候。初夏亂蛩鳴。唧唧自達旦。淒淒空復情。感時添白髮。惜別對青檝。傾耳不成寐。禮頭月正明。

消夏

閉門不管俗塵囂。為惜風蘭手自澆。火傘當頭憎酷暑。冰壺灌魄愛清宵。招涼擬種千竿竹。寫韻還裁片葉蕉。結碧未忘仍懶祭。水沉添炷讀離騷。

又

雪藕冰桃沁齒涼。北窗簾穩傲羲皇。畫中山好身難入。書內人多事易忘。啜茗細嘗甘苦味。敲詩不辨墨花香。綠釣簾外庭如水。剩有蟬聲送夕陽。

不寐

坐到更三轉。猶憎夏夜長。星河逾耿耿。月露已瀼瀼。遠宦人千里。羈愁天一方。卅年心上事。敲枕耐思量。

苦熱即事

驕陽爍石火雲流。那覓山林水竹幽。欲入黑甜逃伏暑。恰飄黃葉已新秋。長鏡託興尋生趣。短笛舒情散暮愁。白奈花香蟬噪歇。纖纖眉月掛西樓。

素馨花

最宜玉茗堂前植。移傍瑤窗照眼明。半畝陰濃延爽氣。一叢香雪媚新晴。助粧恰稱雲鬟膩。比潔真同月貌清。商略追涼何處好。夜深花底坐調笙。

七夕有感

鵲橋今夕渡雙星。可有離情細共論。千古騷人傳韻語。不聞河鼓憶天孫。

又

金梭慣織愁千縷。錦字難封淚萬條。一水相望猶惜別。可憐人世路迢迢。

秋日與大兒話舊

有生憂患始。何況困長貧。詎短英雄氣。偏疎骨肉親。誰貽千日酒。醉過百年春。莫數朱顏改。愁多白髮新。

望信

一紙平安信。朝朝望眼穿。如何峰獨秀。不欲月當圓。鵲喜從他誤。蠅營只自憐。涼秋粗料理。好買



渡江船

初秋曉望

初日淡林垌。遙山展畫屏。露霧蟬噪翼。風定鵲梳翎。樹密垂丹荔。花繁綻素馨。新涼吟思適。爽氣豁青冥。

雨夜

金荷風閃嫩涼生。薄醉微吟睡未成。一樣芭蕉深夜雨。歡場人聽不分明。

篷窗野望

霞燒遠岫媚晴天。雲樹微茫冒暮烟。一棹西風秋瑟瑟。荻花楓葉滿前川。

鄉思

有鳥有鳥通彼遐方。天高地迥。載飛載翔。好音相和。眷戀同行。林木翳如。緬懷故鄉。

舟行即事

那覓人間安樂窩。匆匆避亂赴洪都。木樨香裏寒簾望。一幅溪山放棹圖。衰柳蕭疎被曉霜。潮平岸潤水風涼。寫生欲倩徐熙筆。楓柏丹黃艷夕陽。長年卸載快舟輕。繫纜河干月正明。不分荻柳墟散後。阿誰橫笛弄秋聲。上灘悔買龍頭艦。十日行無一日程。聽水聽風眠不穩。可堪棖觸別離情。



南平舟次

西風吹雨滿天飛。霧幕遙山碧四圍。買得扁舟仍作客。可堪佳節未成歸。月宮舊夢沉清角。水國新涼換袂衣。只恐姮娥暗相笑。有人四牡正騑駟。

撫州舟行

曲曲溪山儼畫屏。秋高氣爽好揚舲。幾家茅屋依青嶂。一簇蒲帆出綠汀。雲碓響春流水急。風鷺低首落霞停。陰陰柳裏推篷坐。幽鳥相呼隔樹聽。

奉題茗溪女史醒愁篇兼柬令姊沈夫人

妙得驅愁術。嗔窗一卷開。花間傳雅製。林下想風裁。結構休嫌幻。經營却費才。何時訪苕徑。親炙挹瓊瑰。

又

海上聆音少。青琴祇獨彈。萍蹤憐葉聚。萍棹恨沙搗。野卉吹香雜。山禽對語蠻。春風紅豆發。米米寄情難。

時事

兩載哀氛擾。連營海上難。鈇衣霜月冷。金柝曉風酸。不戰軍民遁。無功將相慙。妖星猶閃爍。露布幾時看。

春日感懷

聞嶠陽春轉。江南芳訊疎。梅花開古驛。芳草發庭除。遠客憐歸雁。長貧愧蠹魚。勞生過強半。偕隱

願猶虛

偶成

新綠成陰陰小庭。乳鳩相對語怱怱。不知陌上春深淺。柳絮飛來點畫屏。

雜詠三首

浮世有至願。願居山水間。境曠神亦曠。身閒心更閒。軒窗繞梧竹。臺榭樓雲烟。雜花媚幽賞。野蔬  
供清餐。山禽弄好音。暫去仍復還。階無車馬跡。苔蘚青斑斑。終歲無別離。骨肉常團圓。萬物各有  
得。逍遙物外天。

淡交不可少。三五契同心。四時多佳日。遨遊豁胸襟。挈榼隨吳奴。意行恣幽尋。峰巒紛變態。泉石  
激清音。飛瀑濺衣袂。落花綴松鍼。探奇陟危嶠。下視萬壑深。小憩傾壺觴。此唱彼亦吟。白雲候往  
還。夕陽下遙岑。

矧我辭故鄉。寒暑倏三度。相去三千里。望遠渺雲樹。悠悠念母心。尺素將不去。兒女天一方向時  
得重晤。機槍未盡掃。兵革阻中路。恨無乘風翼。拂鬱感遲暮。隙駒儻可駐。慙欲返吾素。

哭長女織仙

聞說夷烽犯故鄉。驚憂不定舊營營。平安日盼鱗鴻信。誰料書來報爾亡。

腸斷啼猿淚不乾。曇花一現便催殘。阿嬈縱有生花筆。麗質清才寫出難。

記得當年汝降生。剛逢七夕賦佳名。如何但乞天孫巧。不乞天長地久情。女生于七月七日。小字織仙。

遠嫁雖然悵各天。閨房靜好別愁搗。溫純博得翁姑愛。每向人前譽想賢。文通江右南康盧氏翁宦維揚隨侍住所。

廿九華年一瞬中。輕塵短夢太匆匆。可憐夫恃雙兒女。何日重逢慰寸衷。

日服參苓質本虛。遽投熱藥送瀕危。東牀知否庸醫誤。鑄錯無成枉自吁。

未了情緣不盡悲。魂歸應化杜鵑啼。茫茫路誰相惜。冷煖扶持仗阿嬈。女與淑筠妹最相得。妹已下世數載。

無可如何祇淚垂。風淒月冷夢回時。傷心此後陰陽隔。汝縱能來我不知。

猶憶當時詠落花。怕隨流水去天涯。誰知今日成詩讖。客舍停棺未到家。女詠落花有句云。莫被東風輕誤也。隨流水天涯竟。

卒於豫章寓館

稽首慈雲梵唄哀。願兒從此侍蓮臺。浮生擾擾無窮恨。悟徹空花莫再來。

秋日平臺落成懷古漫興

小築平臺感霸圖。西山匝繞西湖雲。蒸遠岫。炊烟冒。一片嵐光乍有無。福州城西有三山西湖勝景。

孤山可有梅千樹。未羨離離蔓草荒。我亦西泠舊詞客。竭來長觸感滄桑。

一盞幽碧蕩秋空。葉葉孤蒲戰晚風。金鳳消沉蓮唱歇。不知何處水晶宮。湖上其王延鈞建水晶宮于其上。后陳金鳳製採蓮。

曲令宮人歌之

烟靄空濛暮翠微。雨餘城郭淡斜暉。碧琉璃淨秋光冷。吹起蘆花作雪飛。

空山古寺鎖烟霞。一角紅牆萬綠遮。曾是前朝游冶地也。同大夢醒繁華。孤山開化寺前荔枝最。佳大夢山亦在城西。

榕城薄宦滯清遊。水態山容豁暮愁。鎮海樓高空極目。心隨飛鳥去悠悠。東北有鎮海樓。

卯色天光水墨雲。頽霞散綺媚新晴。夕陽返照明丹碧。小李將軍畫不成。

名臣政績名湖景。風雅何人復主持。爪跡空留泥雪冷。鴻飛塞外定遐思。士人云湖已就湮近。為林少穆先生重濬。

耽吟愛讀都成癖。只少江山助性靈。十二欄干秋曉倚。四山青綠列圍屏。

幾日丁丁斧鑿煩。頓教眼界一時寬。不須更作還鄉夢。遮莫湖山畫夏看。

### 放歌

一日復一日。日月如擲梭。華年冉冉去。不返青鏡明。明老奈何謀。持夸父杖。徒揮魯陽戈。功名富貴

草頭露。今古傳人瞥眼過。便逐赤松子。邊藍采和。遊心瑤島。濯魄銀河。其奈仙家光景亦俄頃。一

局棋完已爛柯。歸來骨肉換朝市。獨行踽踽翻愁多。既難學鵝籠生。全家口中帶。又不能拔宅飛

昇證大羅。依舊名纏利鎖苦離別。舟車登涉愁風波。不如朝詠詩一篇。暮飲酒一螺。花吟月醉隨

處好。隙駒影裏無蹉跎。素心人共數晨夕。一印一壺尋烟蘿。倘得桃源洞中世。世鎮長聚不羨

當年安樂窩。

### 池上納涼

方池如鏡水澄鮮。零落紅衣綠碧蓮。笑指波心眉月影。誤他魚戲五鈎懸。

秋日雜詠

高梧葉未落時節已涼天。征雁遲消息。卿書底不傳。金粟秋來發。天香曉露涵。故園花事好。昨

夜夢江南。秋水空潭淨。殘荷尚有香。欲留聽夜雨。只恐擾鴛鴦。深宵起遐思。擲詠和吟。玉

砌明秋月。疎花寂寞紅。

閏七月十五夜月

一碧天如水。空明月鏡浮。山河清有影。今古淡無愁。珠斗瑤光斂。銀河素練收。誰家橫玉笛。吹出廣

寒秋

晚晴

簾色明書幌。茶烟寫碧虛。秋聲梧葉雨。爽籟竹林風。蕙帶猶相綵。蓮衣已墜紅。倦飛雙蝶。帶還戀

舊香叢。

重陽日憶故園弟妹

三年重九都虛擲。秋色深從畫裏難。怕插茱萸成獨笑。強斟醴醑憶同歡。簪英老圃花全放。挹秀

平林葉未殘。紫蟹黃柑拚一醉。幽尋誰共陟層巒。

月臺晚眺

登高曠遙矚。徙倚秋光裏。晴空無片雲。林壑湛清美。落日懸金盤。返照暮山紫。飛鳥何翩翩。迴翔覓棲止。尚能傳遠情。振翮候千里。荒村鬢髮色。嚶嚶炊烟起。高梧引清風。吹袂涼如水。欲去聞天香。忘機亦妙旨。

和沈簪花夫人五十自壽

籌添海屋奏鈞天。眉采相莊慶有年。福慧雙脩誰得似。新詩吟在百花先。不須舊曲唱伊涼。笑指麻姑鬢未霜。自是關心同臭味。筆花分得杜蘅香。

寄梅竹卿表妹

涉世如虛舟。飄飄隨長風。竭來聚閩海。境遇將毋同。同為出岫雲。同作隨陽鳥。既忝葭蘿親。復結苔岑好。昔人重交誼。高義仰雷陳。生世恨不櫛。苦樂恒由人。多君薄時趨。慷慨制侵辱。豈徒愧鬚眉。寧可振薄俗。凶頑苟能化。田氏榮紫荆。但愁下愚質。久漸故志萌。治家不貴寬。思多至妄想。所以先聖言。小人最難養。

孤琴海上彈。謬蒙知音賞。何日結比隣。晨夕數來往。朱絃靜惜惜。落葉鳴撼撼。霜擊夜為啼。魚跳池水活。此時一尊酒。斟酌誰與同。舉頭望天末。烟靄相溟濛。美人期不來。寒月何皚皚。下階倚脩竹。顧影空徘徊。夜深遺入閣。燈燼和烟落。月亦如慰情。流光照羅幕。

再和沈簪花夫人見贈原韻

萍蹤何幸聚蠻方。封菲微才愧譽揚。已仰聲華傳海嶼。因風物憶江鄉。青山對酒清如畫。紅葉燒霞艷似粧。却笑朝朝忙底事。研朱滴露和瓊章。

和梅竹卿夫人見贈原韻

異地逢徐淑。相看各爽然。苔岑聯雅誼。香火証前緣。秋水襟期湛。春華翰墨鮮。清標如玉映。麗製待金鑄。道合情尤契。交深意倍憐。鄉心雲繡縵。別思草芊綿。萍聚愁難久。沙搏恨不堅。結隣如踐約。花月句同研。

哭次女麗仙

泡影幻女身。賦命已不長。況作貧家婦。艱難多苦辛。汝幼諳內則。天性尤溫存。非徒工咏絮。刺綉傳針神。盈盈雙姊妹。鄉黨誇壁人。汝姊出閣時。汝年二八春。兩兄效秦贅。獨汝奉晨昏。弟妹方髫稚。襁抱調寒溫。持家分我勞。午夜猶縫紉。子歸甫一載。汝久宦遊分。牽衣那忍別。泣涕送東輪。迢迢三千里。相思勞夢魂。我心猶自慰。歸時復相親。何圖造化刻。奪我掌上珍。

去秋哭汝姊。淚眼猶未乾。今冬汝又亡。慘切推心肝。四年不相見。悵惘隔關山。如何此長別。一慟憑棺難。哀哀父母心。安能付達觀。魂兮去何處。月冷楓根寒。彩雲倏已散。玉碎珠沉淵。夜臺覓汝姊。相對定悲酸。恨无雙鯉魚。飄渺書難傳。傷心遺幼兒。母死誰相憐。點墨苦天增。潘鬢應愁斑。營齋復營奠。何補汝迢迢。世情如轉燭。誰念糟糠賢。未知前世因。可有他生緣。滄海有時湮。此恨何時



捐。

寄孫芝香妹

寂寞閉開門。蠻方氣候溫。新醅剛已熟。舊句待重論。衰草秋蟲咽。疎林露鶻翻。素娥如有意。首肯伴琴鐺。

送梅竹卿妹之建陽官署

落日城西路。送君從此去。相望更登高。征帆隔雲樹。

聞二兒師和舉京兆

姓名竟被傳鈔誤。題名和疑信難安倚望心。此日聲華騰日下。當年辛苦課更深。雙珠草誦生南國。獨角先聞直上林。萬里長風看破浪。錦標聯奪報泥金。

荔枝

絳綃誰為祖中單。細骨輕軀真勝蘭。憶得北窗涼夢醒。堆盤錯認水晶丸。

菊影和孫芝香妹原韻

澄潭寫出韻亭亭。獨殿羣芳艷。一庭仙月有心留粉本。傲霜無語倚雕欄。燈搖素壁秋痕瘦。香沁紗厨曉夢醒。鏡試折枝描淡墨。徐熙妙筆染微馨。

閩南竹枝詞



大耳瓊垂一滴金。四時裙服總元青。蛇頭簪插田螺髻。鄉下粧成別樣形。  
滿綉花鞋赤足拖。綿蠻鳥語唱新歌。靚粧倚笑偎蓬坐。道是南臺科底婆。

京口晚泊

數纜江干正長潮。荻蘆風起晚蕭蕭。人才有數傳千古。山水無情送六朝。  
鐵甕城荒斜照冷。金陵氣王陣雲銷。霸圖兔弔空陳跡。烏鵲寒聲答麗譙。

雜咏

閩南氣候異江南。才卸輕裘便御單。涼暖陰晴朝又變。莫將多雨怪春寒。  
蛭蚺蚌蛤西施舌。入饌甘鮮海味多。未到蠶時蠶豆上。遐方休笑命名訛。  
溼烟不散晚陰陰。厭聽林鳩逐婦聲。可惜好春晴日少。鞦韆閑挂過清明。  
簾花紫艷菜花嬌。桃李開殘柳絮飄。不是彩幡紅一片。幾忘今日是花朝。

庭中雙荔枝歌

中庭雜樹紛蕭森。荔枝兩株尤出群。幢幢矗矗似車蓋。交枝接葉凝碧雲。  
垂垂結實薰風裏。不許楓亭獨擅美。萬顆勾圓火齊珠。撒上枝頭壓桃李。貌姑仙子來烟霞。  
忽然紅粧裹絳紗。輕軀細骨風味別。玉膚膩滑無纖瑕。當時未邀妃子顧。此日閩南矜獨步。  
尤物從來易惑人。解語名花漫相妬。鈞籃滿貽貽親知。正值蓮花艷碧池。  
色香媲美雙雙絕。美人君子生同時。摘來帶露乘清曉。瓊液甘鮮餐不飽。盛夏物亦有乘除。來歲多時今歲少。不圖卜宅恰遇卿飛瓊。  
結伴邀雙成。追涼月底

中酒醒分與輕丸誤水晶。

寄懷梅竹卿妹

一別倏三載。魚書往復勞。官清驅繮族。海宴息鯨濤。羣聚歡難續。孤吟興不豪。東籬好花月。誰共醉持螯。

三月望夜對月有懷少蘭弟

二十回圓月。天涯各自看。如何好良夜。不共倚欄干。花外沉銀箭。雲邊轉玉盤。誰言令人喜。徒此悵團圓。

春陰

沉沉黯黯畫春愁。怕聽林梢喚雨鳩。綠上牆腰苔色潤。誤人幾日踏青遊。

新晴道興

集詩牌字

霽色滄洲見。高原藹夕陽。境閒馴鷺伴。春暖媚蜂虻。避俗親賓冷。尋幽水竹香。曠妍詩意悅。小坐引杯長。

簾陰書屋即事

集詩牌字

遠山涵翠潤。脩眉風日融。和碧樹滋。松徑胎禽梳粉翰。興闌語燕弄晴絲。暫拋積累環花坐。便趁叢

蠶娘

集詩牌字

搗籠九陌曉晴天。市卦常占就石邊。學肩綠香分視養。勤供清飲未曾眠。開幃恐放微寒度。對鏡慚聞戲語憐。功媿先農遭際盛。蒸藜荷力敬祈年。

喜雨

一雨真如得寶珠。桔槔聲歇老農歡。潤生几席人心爽。澤遍溝塍地脈蘇。擊壤已看民有歲。打門不畏吏催租。江南猶困天吳厄。百歲良鴻泣路途。

遠山

遠山如古畫。墨淡不分明。層巒雲峰擁。微茫曉霧晴。浮嵐沉野岬。疊嶂護荒城。那似牆頭見。秋眉太瘦生。

黃昏

肺熱斷清樽。嚴冬冷閉門。霜風吹鬢影。新月淡眉痕。試茗湯初沸。添香火尚溫。檢書燈未上。無賴是黃昏。

南山

南山有古柏。高出青雲端。根固葉自茂。何懼霜雪寒。幸無大匠知。免被斧斤殘。華屋有時傾。棟梁難獨完。不如守本性。凌寒壽十年。

東城

東城桃李花灼灼矜芳姿。會蒙春陽煦爛熳。開及時。東皇欲返駕。風雨旋相欺。蜂蝶倏已散。月明嗟空枝。小草任天倪。翻得常華滋。

紫微

梧竹幽深石徑斜。可人烟景似山家。紫微不畏驕陽影。艷款牆頭一樹花。

記夢

衾綯如繭裏春蠶。一枕梨雲曉夢酣。恍到滄山香雪海。玉梅花下話閩南。

題西窗話雨圖

梧竹鳴霜風空階。沉暗雨秋燈。耿耿夜窗。有客倦燈語。墨妙能繪情。景好庸須譜。披圖感音遊。十稔易寒暑。雲龍負夙願。風怒原難聚。安得縮地術。不畏山川阻。萬里盍朋簪。歡會洽梅俎。西窗更剪燭。眷言豁離緒。無為悵停雲。引領獨延伫。

接少蘭弟蜀中書感賦

一紙家書百感生。宦遊人負杜鵑聲。廿年未遂慈幃養。萬里輕分手足情。異里有田堪守拙。桃源無地可歸耕。流光坐惜堂堂去。何日鄉園畫錦行。

秋夕

西風颯颯過林隈。葉滿閒庭掃未開。涼月有情如惜別。殷勤猶下畫簾來。

春日懷故園

杏花紅潤柳含烟。寒食東風燕子邊。畫樓臺春色開。差池亭院鳥聲閒。種松屋角延斜照。削竹牆頭露遠山。無恨離情消未得。連天雲樹隔鄉關。

即事偶成

天桃灼灼柳毵毵。好景都從畫裏探。芳草綠肥春雨足。杏花時節憶江南。

秋日出西城

秋原烟景愜幽尋。寒菜千畦入望平。黃葉林中樵擔出。碧溪橋畔釣船橫。水風吹面能醒酒。山色迎人似有情。欲上岡頭縱吟眺。暮鴉啼亂斷鐘聲。

懷竹卿妹

霜風撼亭樹。蕭索見郊坰。竹徑堆黃葉。菱塘掃白萍。離心懸落月。遠夢隔滄溟。秋色閑中老。雙丸不暫停。

秋感

秋色榕城艷。楓林葉尚牢。雲蒸蠻嶂雨。霜淨虎門濤。世事原知幻。風塵亦太勞。何時挂帆去。海上釣靈鼈。

初冬晚眺懷少蘭弟

周南雅永

寒空清太晚。入望遠山重。積翠天邊樹。浮嵐海上峰。鄉書滯霜雁。別夢感雲龍。野寺荒村裏。惟聞  
斷續鐘。

送沈簪華妹之馬巷官署

香盟初訂挹清芬。折柳河梁忍送君。雁字忽從雲外散。驪歌偏向客中聞。江流渺渺征帆遠。山色  
依依別路分。悵悵榕城好時序。不成良會感離群。

送梅竹卿表妹赴鳳山任即用留別原韻

雲龍角逐悵前期。遠道眼簷善自持。佳句每從分袂得。離情不待挂帆知。但憑忠信鯨波靜。管  
飲和瀉獮俗移。報最秦嘉資內助。尺書頻寄慰遐思。雙旌快指海東頭。好趁長風賦壯遊。嶺  
樹千重遙望翠。水天一色淨涵秋。神交異地盟金石。仙侶同舟事唱酬。倘踐結隣他日約。綠楊明  
月草堂幽。

錢塘因夫人以詩見贈賦此酬之即用原韻

才高班謝敢論詩。風雅真堪作我師。嗜好尤難同臭味。芝蘭何幸奉期頤。榕城早聽神君頌。管閣  
初瞻令母儀。仁望棧槍連夜掃。花吟月醉結心知。

夏日即事兼懷柔吉妹

灌木碧陰合。虛堂靜無暑。日長小憩佳。惟聽幽禽語。庭廣發方池。石欄圍曲廡。水風送清香。幽蔭

紅羊吐澄波。濯鏡明。魚戲淨可數。卜居遠市廛。便有山林趣。觸熱人莫來。濁我釣遊處。向晚新月明。鸞憶眉嫵。

感懷

曠野樓臺得月光。春蠶垂老尚纏綿。夢蟲食苦君休笑。嗜好都緣賦性偏。綠衣黃裏色偏潮。世事人心暗長消。謾道小星能替月。光輝如月便成妖。

放燈詞

六街風軟香塵細。魚龍曼衍銀蟾底。寶樹琪花照眼明。赤城霞擁登山起。知費寒窗幾月工。裁綃剪綵鬪玲瓏。鬧蛾簇着冠兒轉。斗大明珠戲五龍。一重琉璃一重錦。蕩搖不定風前影。弄珠神女清夜遊。紫鳳青鸞作前引。爆竹笙歌不斷聞。寒輕漏沒愜歡情。誰家簾幕和香捲。何處樓臺倚月明。綵棚十里垂虹架。良宵欲買應無價。鈿轂香車夾路逢。釵光鬢影交相射。花市花燈燦列星。暖香薰透十分春。柳梢月上清新句。姓字依稀誤淑貞。月上柳梢頭人約黃昏候乃朱希貞句誤為朱淑貞詞特証之君不見廣陵燈。秦淮月。此時光景尤奇絕。欲倩仙人幻綵橋。舊遊重溯離心豁。

時事有感

五載潢池盜弄兵。誰堪一戰戮長鯨。登壇上相疎良策。再闢元戎負令名。征調頻煩憂國計。租庸全免恤民生。東南時事艱難甚。投筆何人壯請纓。熒惑休移近女牛。捎雲猶自巨南州。勳勞早



讀賢臣頌。宵旰難舒。聖主憂。欲挽長干。揮落日。可無砥柱。障中流。擁兵不戰。空糜餉。殺運于今未易收。孔亟尤需。應變才。滯流國寶未成。從鴉兒軍。已如烟散。烏合徒。方作氣來。滅竈。休疑兵勢解。量沙猶莫敵。鋒摧八千君子。今誰仗。虎穴行看奏凱回。謀定難搖。百勝軍。由來兵戰。不如心。殊方久困。待符。惠下邑。初曉。餽餒臨。但天公忠。何懼敵。不辭勞瘁。易成擒。先聲奪。群凶魄。淨掃氛。聽捷音。

筆牀

橫陳硯北。隔窗紗。茶竈前頭。位置。嘉其向博。山鷲午睡。不知曾否。夢生花。

筆冢

利鈍其如久事何。年華心力共消磨。可憐細雨清明節。卮酒誰攜奠磬羅。

燈花

銀缸燦爛初作花。垂垂迸出如萌芽。金粟細綴不厭繁。粟如貫珠明丹砂。夜宿無風透碧紗。釵頭玉蠶顛不斜。繡書眼昏疑霧遮。不忍遽剔非凡葩。呼髮子細蘭膏加。慎防觸損生數嗟。積鱗遠滯天一涯。金錢欲卜書難查。分曹射覆徒喧嘩。不如復燈頭鬪茶。宵深漏鼓已三遍。穗重欲落猶光華。往時占驗恒不差。報何喜事來吾家。

詠古四首



謝道韞

詠絮清才邁等倫。可知伉儷有前因。若翻言行名臣錄。天壤王郎亦可人。

木蘭

孝勇從軍代父征。策勳不願尚書榮。將雛匪易調羹苦。何不男裝過一生。

蘇若蘭

佳偶如何成怨偶。連波悔過道陽臺。迴文悟得郎心轉。畢竟才人始愛才。

管夫人

一篇爭唱你儂詞。福慧雙脩羨仲姬。嫁得王孫同白首。多情原不諱情癡。

題樓觀滄海日門對浙江潮圖

百尺樓高倚望遙。琳宮幽寂隔塵囂。烟波萬頃搖空綠。洗出陽烏耀九霄。

古寺曾經隱逸才。一聯佳句野鷗猜。于今海上鯨波靜。不見濤頭萬馬來。

元宵曲

好天良夜佳時節。東瀛洗出團圓月。光逼群星不敢明。玉鏡無聲碾空碧。三五嬋娟正面逢。雲光五色護重重。廣寒奏罷霓裳曲。海上神山駕六龍。踏歌聲裏衣香散。九華燈映花釵顫。蓮漏今宵莫暗催。歸來重醉傅相宴。一別江南十載強。芳時夜夜夢還鄉。迢飛恨少凌風翼。縮地難尋費長。

房。故園此際天花吐。銀海光搖玉龍舞。雪月相輝最可人。千枝絳樹圍春駐。神仙世界本無愁。只恐  
姮娥笑遠遊。不知香雪梅千樹。翰山弄影含嬌憶我否。年年此景長相似。歌舞昇平樂無已。安得  
雄才仗武襄。夜破崑崙甲兵洗。時粵西用兵

冬夜

沉沉冬夜雁聲寒。暗麝時飄九晚蘭。月滿閒階光似水。更無人倚石闌看。  
絳蠟燒殘第幾條。自翻吟稿自推敲。耽吟不覺如年夜。霜月無聲轉樹梢。

得又村仲弟署上海令殉難計音詩以哭之

半載家書滯錦鱗。慘聞凶耗定驚魂。竟殉職守完臣節。敢棄城亡負國恩。皓首慈親逃白刃。青年  
少婦哭黃昏。天涯有姊空腸斷。北望停雲積淚痕。六樹荆花賸四枝。仲弟故宦遊常恨會難期。詎  
知昔歲分飛日。便是今生永訣時。泡影隙光真夢幻。生離死別更凄其。干戈滿地家何在。化鶴還山  
定益悲。痛盟遺思未別前。小倉山下好林泉。坐來花月供吟醉。行處樓臺聽管絃。離緒忽繁  
千萬縷。鄉心已折十三年。故園慘被黃巾臨。何日招魂葬墓田。

哭柔吉妹死金陵失守之難

金陵城頭陣雲黑。城中萬姓無人色。礮聲如雷城不守。賊已入城何處走。亂殺軍民不住手。家業  
蕩為賊所有。少壯擄去冲前鋒。婦孺驅來入女館。打柴負重筋骨斷。食不充飢膾殘喘。兩載斷消

息未卜君存亡。詎知君早歿此難。不覺雨泣沾衣裳。人生不幸墮女身。遭際未若君遭迤。十七子歸未八載。傷心已作未亡人。上有威姑。下有稚子。生不能生。死不可死。辛苦莫湯。缺甘旨。茹荼畫荻。敬子書。空房月冷。聞啼鳥。不圖兩子相繼殤。天何絕人。空斷腸。姑痛終堂女。猶乳四壁蕭然。存敗堵。麻衣如雪。扶襯歸。隔江烟水孤鴻飛。可憐婦職。兼子職。空空經營。殫心力。繼嗣未立。事未完。忍死吞聲存一息。遺腹女漸長。成珠擊掌上。聊慰情。才容變絕。擇佳婿。蕭郎何福。聯姻盟。結褵有日。雲花謝。駭鸞遠返。福娥駕。決絕難為阿母心。茫茫碧落誰相逐。形單影隻歸故園。觀香妹姊尤相憐。半生心血。賸詩卷。付託誰人何代傳。日夕飛龍愁出骨。天長路遠音塵濶。雷聲動地黃巾來。烽火叢中幾人活。嗚呼。此時一死重泰山。夜臺骨肉悲團圓。定知揮淚語夫子。二十二年苦節難。

題蓮因夫人詩集

永畫虛堂一卷開。清詞麗句妙玫瑰。多君早擅簪花格。似我終慚賦茗才。西粵雲山新畫稿。東吳烟景舊粧臺。鄭虔莫漫矜多絕。林下於今又見來。

題徐樹人廉訪斐亭課子圖

脩竹碧逾淨。一亭築其前。虛窗敞不扃。清氣得自然。公餘課石麟。頽悟自殊衆。亮節鮮籛龍。清聲引雛鳳。晝長晷不侵。散步循苔陰。拳石媚而秀。荷池清且深。出岳送香氣。妙得書中味。此君垂典則。卓爾異群卉。趨庭秉義方。講誦聲琅琅。竿頭信日進。道之以名揚。

哭三女謹和

佛氏說因緣。前生事誰記。離合脩福。似有神主使。汝容麗朝霞。汝性猶聰慧。針神妙絕倫。常恐造物心。為汝覓佳偶。十載煩深意。因循選擇難。後過標梅歲。康節有後賢。令姊來問字。絲羅一朝附。開館效秦釵。琴瑟嘉靜好。百年室家遂。十月誕麟兒。燕姑徵蘭瑞。歡騰湯餅筵。英物啼聲異。彈冠慶晉職。盛世榮黼珮。月闕誠可疑。詎意為身累。汝婿差次旋。已被二豎祟。汝恙仍未瘳。力疾躬親侍。沉疴困三月。敢惜參苓費。穰穰苦無靈。哀哉竟長逝。孤兒甫襁褓。一線延宗嗣。身殉恨未能。腸斷啼猿淚。瘡痕痛難痊。目見容憔悴。士賊盜弄兵。風鶴警嚴備。汝兄急迎養。為汝行期濫戒途。阻兵革。航海庸非計。不意汝遽亡。慘亟惟揮涕。傷心視含殮。痛絕桐棺閉。忍聽泣呱呱。母死兒何恃。撫孤至成立。卅載談何易。況我垂暮年。花甲猶餘四。世鮮有成人。幸託涇陽義。魂兮入我夢。語汝身後事。千喚不一應。遺恨何從慰。

赴晉就養迂道至滬上省 母示翔甫六弟

竟逐歸靈願。慈顏到眼驚。滄桑悲世事。忠烈振家聲。返哺烏私切。加餐鶴算贏。剛逢重午節。蒲酒祝長生。一別關山隔。依違十八年。夢魂長繞膝。弟妹莫隨肩。鱸族驢聞海。鶉聲憶蜀川。舊時行樂處。花月照誰邊。盼斷平安字。三年芳訊疎。欲將詢雁序。何以渺魚書。養志宜從實。和衷只貴虛。謙謙毋自信。黽勉博嘉譽。國破家何在。途長就養難。干戈猶未戢。行旅幾時安。親老尤愁

別家貧却耐寒。還期重定省。同奉板輿歡。

述懷

大國光茫極。干戈迄未平。黃巾何日滅。白髮逐年生。冀北猶籌策。閩南罷弄兵。憂時思李郭。匡復盡忠誠。故園猶陷賊。欲返苦無家。舊業空流水。新知但落花。白雲親舍遠。芳草客途賒。莫問南中事。吾身自有涯。看雲懷弟妹。遠宦隔山川。別久音容改。思深夢寐牽。吳宮花灼灼。蜀道月娟娟。代北勞相望。無因至汝前。浩劫關天數。全齊德業脩。乘時須將帥。制勝出奇謀。自笑隨陽鳥。翻成喘月牛。桃源何處覓。安得挈家游。

閩南雜詠終